

Supervizor poziva na formiranje koncentracione vlade u Brčko Distriktu



Supervizor za Brčko Distrikt dr. Raffi Gregorian pozvao je na formiranje “koncentracione vlade” u Brčkom nakon što je na konstitutivnoj sjednici Skupštine Brčko Distrikta ponovo odloženo glasanje o izboru predsjednika Skupštine, zamjenika predsjednika Skupštine i gradonačelnika Distrikta. Supervizor je uputio poziv nakon što je obaviješten da su svi poslanici potpisali deklaraciju kojom se izražava podrška odlukama Arbitražnog Tribunala za Brčko i u kojoj se poziva Parlamentarna skupština Bosne i Hercegovine da usvoji dodatke na Ustav neophodne kako bi se okončala supervizija.

“Vjerujem da su potpisivanjem ove deklaracije sada otklonjene dileme koje su neke stranke možda sprječavale u formiranju legitimne vlade,” izjavio je supervizor Gregorian. Razgovori o različitim vladajućim koalicijama koji su se vodili od 05. oktobra 2008. godine nisu odveli nikuda. “Stoga, pozivam sve stranke da se intenzivno angažuju na formiranju “koncentracione vlade” koja će biti u stanju da izađe na kraj sa brojnim izazovima koji očekuju Distrikt”, on je izjavio nakon sastanka sa nosiocima lista ključnih stranaka u Skupštini. “Nema vremena za gubljenje”, naglasio je Gregorian.

Supervizor je iskoristio ovu priliku da podsjeti sve stranke da bi bilo najbolje da Skupština imenuje nove, po mogućnosti mlađe ljude na izvršne pozicije u Vladi, ljude koji su pokazali stručnost u područjima rada za koja bi bili predloženi za imenovanje.

Povodom same sjednice, supervizor je iznio kritike u pogledu neopravdanog odlaska nekoliko poslanika i privremenog

predsjedavajućeg, poteza kojim se iskazuje nepoštovanje prema kolegama poslanicima i koji je u suprotnosti sa kodeksom ponašanja Skupštine Distrikta. "Od poslanika svih stranaka očekujem da se ponašaju u skladu sa svojim zakonskim obavezama i da iskažu poštovanje i uljudnost prema svojim kolegama bez obzira na političku opciju kojoj oni pripadaju", izjavio je supervizor Gregorian.